

**BAN TUR HUNTO  
TA DOÑONAN DI  
MASCOTA MAS  
RESPONSABEL**



**WWW.SOLODIPUEBLO.COM**



**SOLODIPUEBLO@GMAIL.COM**

# LAMA BRUTO A SUTA BEACHNAN PARTI PABAO DI ARUBA



## DISFRAS A KEDA ATRAS RIBA RUTA DI PARADA DI LUS NA SAN NICOLAS



**Partido MEP ta celebra su 53 aniversario!  
UN PARTIDO PRESTIGIOSO CU SEMPER A TRAHA NA  
BIENESTAR Y FELICIDAD DI HENTER E PUEBLO ARUBANO**





# Secretario general di partido MEP: PABIEN NA PARTIDO MEP, SOSTENEDO- Y VOTADONAN CU 53 AÑA DI EXISTENCIA

## Trahando na bienestar y progreso di Pais Aruba

SANTA CRUZ; Dia 9 di februari, Partido Movimiento Electoral di Pueblo (MEP) ta celebra 53 aña di existencia. Como secretario general di e prestigioso partido, mi ta felicita tur candidato, directiva y sostenedo riba e fecha special aki. Pa 53 aña MEP ta trahando pa bienestar y progreso di nos pais. Alabes mi ta gradici e votadonan pa nan confiansa incondicional brinda na nos partido.



Danki na e vision y liderazgo di nos lider inmortal Sr. Betico Croes

cu a visualisa esaki. Tambe, danki na e liderazgo di nos lider honorario Sr. Nelson Orlando Oduber y danki na e liderazgo capabel di Evelyn Wever – Croes, kende nan ta forma e tres (3) lidernan cu a traspasa e

53 aña di existencia di nos partido.

Sigur esaki tabata posibel hunto cu nos sostenedonan y Pueblo di Aruba den su totalidad cu semper aprecia MEP desde inicio di e partido na 1971. MEP

semper a bringa pa un miho Aruba. Un partido cu pueblo cu nunca a balora bou di shete (7) asiento. Pabien Aruba! Pabien MEP!

### HALA ROSEA LIBREMENTE

*Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.*

### PUEBLO A HAÑA SU PEN BEK

Pa kualkier informacion  
[solodipueblo@gmail.com](mailto:solodipueblo@gmail.com)  
of  
☎ 585-9500

## BIG 4

BO CHENS DI GANA MAS!

MULTI-X

FP x2 x3 x5

PICK 4	x2	x3	x5
Afl. 5.000,-	Afl. 10.000,-	Afl. 15.000,-	Afl. 25.000,-

PICK 3	x2	x3	x5
Afl. 700,-	Afl. 1.400,-	Afl. 2.100,-	Afl. 3.500,-

\* Ora un bala FP sali y bo a match e numbertan, bo ta gana e premio y bo ta den wega atrobe!

**Lotto**  
Camblando bala...

www.lottoaruba.com



# DISFRAS A KEDA ATRAS RIBA RUTA DI PARADA DI LUS NA SAN NICOLAS

Diahuebs mainta Sanicolas a lanta basta sushi. Pero un sushi diferente. Tabata manera un piñata a wordo kibra riba caminda, unda a keda atras hopi slingers color di plata.

Por bin compronde cu e slingersnan aki ta pertenece na Grupo Champagne, cu pa mala suerte lo ta di un calidad inferior y a los, habri, laga bay riba caminda y keda atras. Mas cu claro cu esaki a costa extra esfuerzo di

Serlimar pa por a haci limpi.

Algun cuidadano no a perde oportunidad di zundra of critica. Sinembargo ta kico por haci? Loke mester haci ta soluciona. Nos ta sigur cu hamas y nunca tabatin ningun mal intencion tras di e situacion aki, pero solamente un mala suerte cu calidad di e disfras.

Algun a bisa hasiedo joke: Linchi a rementa e piñata di 70 na San Nicolas.



## LAMA BRUTO A SUTA BEACHNAN PARTI PABAO DI ARUBA



Diahuebs mainta a bin tuma nota cu lama a bira hopi bruto na costa pabao di Aruba.

Esaki a afecta e beachnan desde Ex Bushiri Hotel te

cu beach di Arashi.

Por tuma nota cu el'a causa basta daño, kirando algun pier, pero tambe bentando hopi sushi y yerba di lama riba beach. Por a tuma

nota cu varios trahador di hotelnan y piscadornan tur a pone man na obra pa asina protega loke mester protega y haci limpi unda por.



**AWAWE**

**MINI MEGA**

**MEGA PLUS**

Awo cu 2 florin mas, bo por gana e **MEGA PLUS**

\* Afl. **630.000,-**

\* Afl. 450.000,- + Afl. 180.000,-  
extra

Benta ta sera 7:30 pm y sorteo ta hunga 7:45 pm



HUNGA AWO





# Prome Minister Evelyn Wever-Croes: PROCESONAN ANDANDO PA PRIVATISA RIOOL WATER ZUIVERINGS INSTALLATIE (RWZI)

Diaranson Parlamento a aproba Presupuesto 2024 di Dienst Openbare Werken (DOW). Prome Minister Evelyn Wever-Croes durante e reunion publico a duna informacionnan y a contesta hopi pregunta riba e topiconan principalmente di careteranan y Riool Water

Zuiverings Installatie (RWZI) na e planta na Bubali. E intencion ta pa privatiza RWZI y e trabounan pa esaki ta andando.

Prome Minister a informa cu Parlamento pronto lo trata e ley pa privatiza RWZI pa pon'e den man

di un compania estatal cu ta bay resorta bou di Utilities Aruba NV cu tin e fondonan y lo inverti y soluciona e problemanan di RWZI structuralmente. Mientrastanto Gobierno lo sigui mantene RWZI pa e causa menos molester posibel.



## Minister Endy Croes:

# A TRATA E AVANCENAN DI RENOBACION DI E ATLETIEKBAAN NA COMPLEHO DEPORTIVO GUILLERMO PROSPERO TRINIDAD NA DAKOTA CU ARUBAANSE ATLETIEK BOND



Durante siman, Minister di Deporte Endy Croes hunto cu Ministerio di Deporte a reuni cu Sr. Rammy Ramada y e miembronan di directiva Arubaanse Atletiek Bond Sra. Susan Werleman y Sra. Anecy Toussaint. Durante e reunion, a trata e avancen di e atletiekbaan di e proyecto di renobacion di Compleho Deportivo Guillermo Prospero Trinidad na Dakota.

Den luna di maart e atletiekbaan lo yega Aruba y pronto lo instala esaki. Tambe, Arubaanse Atletiek Bond a duna di conoce cu nan “timing system” ta bieu y no ta

den bon condicion. Ta consehabel pa inverti den un “timing system” nobo. Pa cu esaki mester sa cua sistema e ta, paso unabes cu lanta e atletiekbaan bieu mester core e tubonan di coriente prome cu instala e nobo. Den e caso aki Sr. Ramada su compania Patrishi Sports tin e experiencia, experticio y ekipo pa realisa e trabou aki. Sr. Ramada a duna un presentacion di un sistema cu e por facilita Arubaanse Atletiek Bond bou di cierto condicionnan.

E presentacion a cay den bon tera y e representantenan a haci varios pregunta. Awo Atletiek

Bond tin cu bay den nan seno pa mira y analisa e otro opcionnan. A palabara cu den e luna aki lo tuma un decision. Minister Endy Croes a agrega cu Ministerio di Deporte lo financia e sistema moderno cu tin

mester pa complementa e proyecto di e “track and field”. Pa finalisa, Minister Endy Croes a indica cu e tabata un bon reunion y ta keda en espera di e conseho y escogencia final di Arubaanse Atletiek Bond.

565-3232

## Lunch menu

>Higra den ciboyo

>Chicken alfredo

### Pasta

>Mochi pisca

>Galiña stoba

>Sopi carni

>Porkchop

>chicken breast



9 FEBRUARI 2024

# UN PARTIDO 53 AÑA 3 LIDER



## ARUBA, DANKI PA E SOSTEN!

### 53 AÑA

di compromiso, resiliencia, vision, determinacion y progreso continuo.  
Tambe tabata 53 aña cu desafio, sinembargo cada desafio tabata un  
oportunidad mas pa transforma e desafio den triunfo y den e  
visionnan di prosperidad cu a bira realidad

"Nos compromiso ta e bienestar di nos ciudadanonan  
y e progreso di nos pais"


LIDER DI MEP  
**Evelyn Wever-Croes**



MOVIMIENTO ELECTORAL DI PUEBLO



mepofficial



mep.aruba



Partido MEP

Partido MEP ta celebra su 53 aniversario!  
UN PARTIDO PRESTIGIOSO CU SEMPER A TRAHA NA BIENESTAR Y FELICIDAD DI HENTER E PUEBLO ARUBANO



Awe ta un dia grandi y historico pa Aruba, ya cu nos ta recorda cu 53 aña pasa partido MEP a ser funda pa Betico Croes dfm. E fundacion a tuma lugar dia 9 di februari 1971 na cas di Betico Croes, esta Cumana 84. Tabata presente mas o menos 600 lider di barrio for di tur parti di Aruba. Durante e reunion aki a scoge un nomber entre e multitud presente y esaki a bira Movimiento Electoral di Pueblo (MEP). E fundacion oficial mes di MEP tabata durante un Congreso teni riba 14 di februari 1971 den teatro Rialto na Playa. E promer directiva di MEP tabata consisti di e siguiente personanan: Betico Croes, lider y presidente di MEP y e otro miembronan tabata Efraim de Kort, Daniel Leo, Jossy Croes, Sixto Feliciano, Watty Vos y Cezare Terzano. Tambe tabata presente Roland Lacle, Rafael Wever y Delwyn Gomez.

UNION DEN HENTER PUEBLO DI ARUBA

Cu e fundacion aki tambe e panorama politico na Aruba a cambia completamente, ya cu MEP a pone un movimiento den marcha cu a percura pa caba cu tur segregacion cu den e epoca ey tabata existi riba e isla aki. Desde principio partido MEP a pone su dilanti e ideologia social democrata, nos estructura estatal y union di henter e pueblo Arubano, sin distincion di rasa, color, districto, religion, status social etc. Den apenas dos luna di tempo e partido aki a



logra obtene un tercera parti di e electorado Arubano, esta 7 asiento for di 21. Desde e tempo ey MEP a crece drasticamente, tanto den voto como den asiento y a bira un partido grandi, prestigioso y respeta den comunidad. Sin duda algun cu MEP a bira e vehiculo principal di nos Libertador Betico Croes den su lucha pa nos Status Aparte.

MEP Y STATUS APARTE

MEP ta un partido cu desde su fundacion a conoce tres lider, esta Betico Croes (1971-1985), nos lider honorario Nelson Oduber (1986-2011) y desde 2011 nos lider actual sra. Evelyn Wever-Croes. MEP ta un partido di cual despues di morto di su lider Betico Croes a wordo bisa na Hulanda cu “Betico dood, MEP dood”. Sinembargo te cu awe MEP ta mas bibo cu nunca y actualmente e partido mas grandi di Aruba y semper para cla pa sali na vanguardia di e pueblo Arubano. MEP ta e partido cu a percura pa nos simbolonan di union y libertad, esta nos himno y bandera, nos moneda, nos ortografia, nos propio constitucion, gobierno, parlamento, nos propio Gobernador, Banco Central etc. Den henter e lucha pa Status Aparte a resalta e accionnan di augustus 1977, ya cu tabata danki na e accionnan aki cu Aruba a wordo scucha door di Hulanda. Finalmente e deseo di Aruba a wordo concretisa durante e Conferencia di Mesa Rondo na 1983 na unda nos derecho di autodeterminacion a ser reconoci y aproba pa nos sali for di Antiyas dia 1 di januari 1986 y cu nos lo bira independiente dia 1 di januari 1996 den un Man Comunidad cu Hulanda.

SHRAPMENTO DI FECHA DI INDEPENDENCIA

Y ta cu honor dia 13 di juli 1990 ex Prome



Minister Nelson Oduber a percura pa schrap e fecha di Independencia 1996 for di den Statuut, pero manteniendo e derecho pa bira independiente dia cu e pueblo aki den un referendum dicidi esaki den su mayoria cu aprobacion di 2/3 parti di Parlamento, cual ta un garantia solido y responsabel. Hecho ta cu ta danki na e logro di Status Aparte na 1986 cu MEP a realisa, Aruba a haya e instrumentonan economico pa por a sigui desaroya e pais aki. Otro logronan importante di MEP tabata entre otro e reapertura di e refineria Coastal, e solucion pa e problema di garantianan hotelero (SACE), entrada di 250 miyon florin di Plant NV, 280 miyon florin di BBO Valero, firmamento di e Tax Information Exchange Agreement (TIEA) cu Merca y Spaña, US Customs and Preclearance pa jetnan priva. SURPLUSNAN IMPRESIONANTE

Continuacion Pag 7





Durante e periodo den oposicion di 2010 pa 2017, MEP bao liderazgo di sra. Evelyn Wever-Croes a hiba batayanan fuerte caminda semper nos partido a para pa integridad y honestidad. MEP a denuncia fuertemente e desaster financiero cu a ser ocasiona pa e gobierno di AVP, a produci rapportnan, e.o. 'Feestvierend ten ondergaan' pa muestra tur instancia y pueblo en

general cu mester bin un cambio drastico den e maneho di finansa publico, ya cu nos pais tabata para na rand di bancarota cu un Megadebe hamas visto den historia di Aruba. Hecho ta cu bao gobernacion di Prome Minister Evelyn Wever-Croes, pais Aruba a logra recupera exitosamente di e pandemia devastador y pais Aruba a sali padilanti exitosamente



cu un finansa publico stabiel cu surplusnan impresionante na 2023 y 2024. Sin duda cu un maneho dinamico a ser implementa riba tereno di turismo. Tur e cifranan ta papia pa nan mes y cu a conduci na un crecimiento economico ehemplar den e ultimo añanan. MEP kier a gradici tur esnan cu a funda e partido 53 aña pasa, na nos lider inmortal Betico Croes, nos lider honorario Nelson Oduber, nos lider actual Evelyn Wever-Croes,

tur e candidatonan, directivanan di bario, Forza Femenina Grace, HOT, Fundacion Formacion Politico Nelson Oduber, Fundacion Ir. Cesare Terzano, militantenan y tur e votadornan pa cu e 53 aña di existencia di nos partido. Na esnan cu a yega di aparece riba lista y cu a bay laga nos, un palabra di gratitud y aprecio pa tur locual nan a haci pa MEP y cu nos Creador duna nan sosiego eterno. MEP semper di pueblo, cu pueblo y pa pueblo.



# ANUNCIO

## CARNAVAL OPENING HOURS

**DEN CONNECCION CU CELEBRACION  
DI CARNAVAL:**


**NOS LO TA SERA:**

**DIASABRA 10 DI FEBRUARY  
y  
DIALUNA 13 DI FEBRUARY**



Check nos riba  
social media  
like y follow

**Orario: dialuna pa diabierna 9 - 6pm - Schotland str. 46 tel. 280-6080**  
• Warehouse Melveld 3A-1 tel. 582-1671 •



**699-5511**



Prome Minister Evelyn Wever-Croes:

# BAN TUR HUNTO TA DOÑONAN DI MASCOTA MAS RESPONSABEL

E luna aki nos kier sigui conscientisa nos comunidad tocante e problematica di cacho na Aruba. Un problema cu ta causa molester keto bay cerca hende practicando deporte, cu hasta ta cana cu un palo den man (pa si en caso nan mester defende nan mes ora un cacho ataca nan). Ciclistanan por accidenta mas lihe ora cacho ta persigui nan.

Minister Ursell Arends a nombra luna di januari como luna di microchip mascota. Microchip mascota ta un punto di salida hopi importante pa muestra cu bo ta un doño di mascota responsabel. P'esey nos ta urgi tur hende pa chip nan mascota. Importante ta pa nos realisa e responsabilidadnan ora di dicidi di tuma un mascota y tur locual ta rekeri pa nos por cuida bon pa nan.

Na Merca, luna di februari ta luna di conscientisa comunidad tocante sterilisacion y castracion di mascota. E no ta solamente un bon manera pa yuda cu control di e poblacion, e tin tambe hopi beneficio pa e salud di mascota mara na e operacion aki.

Prome Minister Evelyn Wever-Croes a duna di conoce cu na 2019 Ministerio di Asuntonan General a institui un comision di accion pa logra e metanan di e plan nacional pa atende cu e problematica di cacho na Aruba. Asina a bin ta logra varios cambio necesario, manera e Centro di Control di Cacho (CCC) cu tawata e prome logro y a elimina e imagen di "killcage" cu tawatin pa hopi aña. A introduci un Unidad di Control di Cacho (DCU), y a manda pidi pa revision

di e leyman vigente pa cu puntonan cu ta importante pa nos tin den nos ley, entre otro registracion pa controla e rasamento di cacho, registro obligatorio di tur cacho a traves di microchip, y mas punto cu mester un base legal mas fuerte. Tambe Gobierno di Aruba tur aña a lansa un concurso di pintamento pa conscientisa nos muchanan di chikito caba tocante Aruba su Ley di Cacho.

Na 2021, Prome Minister a traspara e plan nacional pa su colega Minister Arends por sigui ehecuta esaki den su ministerio di naturalesa y a sigui logra pasonan crucial.

Un di nan sumamente importante, tawata pone medionan disponibel pa laga diseña un database pa registro di mascota, cumpra microchip pa ofrece na comunidad pa por registra



nan cacho den e database, cumpra mas material pa e CCC y tambe pa e DCU (cu desde medio aña 2022 no ta activo mas) y tambe pa organisa campananan di conscientisacion.

Tambe a logra cu e proyecto di Animal Control Department a wordo aproba como inversion pa e aña 2023 di cual construccion lo cuminsa e aña aki. Y finalmente e material di educacion cu ta den fase final pa por wordo presenta na tur scol preparatorio y scol basico pa nan uza esaki entrante e aña escolar nobo. Cuerpo policial

tambe a haya curso pa por a inicia cu campaña di conscientisacion y accion pa doñonan mantene nan cachonan den cura.

"Ainda tin hopi mas cu Gobierno di Aruba ta desea di logra riba e tereno aki. Pero Gobierno su so no por soluciona e problema aki. Ta hunto nos mester haci'e. Y e ta cuminsa cu nos cada un cu tin un mascota purba ta un doño di mascota mas responsabel", Prome Minister a expresa.

Otmar Oduber 8 februari 2024

## MIENTRAS COMERCIANTENAN TA INVERTI DEN RENOBACION DI WILHELMINASTRAAT EX WARDA DI POLIS PLAYA A BIRA CENTRO DI ADICCION

1-Ex minister Otmar Oduber para dilanti di un di e edificionan di PAIS Aruba bandona rond di Aruba ta haci un yamada un biaha mas na prome minister. Ta trata aki di e edificio cu a fungi como warda di polis pa aña nan largo. Sinembargo e peticion ta keda pa haci un dialogo nacional pa asina hunto como PAIS atende e gastonan exagera cu tin den gobierno. AUD:2:38CG: Ex minister Otmar Oduber di plataforma PAIS  
LEY DI APF TA CLA PERO 21 MIEMBRO DI PARLAMENTO NO TIN NINGUN INTERES

PA BAHGA GASTO DI GOBIERNO  
2-Tin un ley cu a keda laga atras Aruba Property Fonds (APF) cu lo mester pone tur e companianan hunto y maneha esaki nan, nan lo mester a drecha e edificionan aki y maneha nan tambe, sinembargo 21 miembro di parlamento no ta muestra un interes den parlamento pa pasa e ley aki na bienestar di Aruba. AUD:2:22  
CG: Ex minister Otmar Oduber di plataforma PAIS  
Ex Mnister Otmar Oduber : Gobierno tin

miyones para na edificionan mientras por drecha nan y baha gasto  
EX MINISTER OTMAR ODUBER :  
DEPARTAMENTO DEN DIP TA DEN COMA  
3- Ex minister Otmar Oduber ta duna di conoce cu por mira claramente cu sector priva ta duna di su parti pa pusha e economia y embeyece Aruba, pero ta mane cu ta comercio so ta hala garoshi y gobierno no tin interes di haci loke ta bin ta papiando pa varios aña pa embeyece centro di oranjestad. AUD: 1:54CG: Ex minister Otmar Oduber di plataforma PAIS



Parlamentario Ricky Hoek (MEP):

# MEP TA CONMEMORA E MISION CU CUA A KEDA FUNDA 53 AÑA PASA

**\*E unico partido politico democratico na Aruba cu ta eligi su lider pa medio di un congreso**

Aruba 8 di Februari 2024: Riba 9 di februari 1971, Movimiento Electoral di Pueblo (MEP) a keda funda door di Betico Croes den feliz memoria na su propio cas. Parlamentario Ricky Hoek a indica cu actualmente MEP ta e unico partido politico democratico na Aruba cu ta eligi su lider pa medio di un congreso.

Durante e congreso e sostenedornan ta vota pa e candidatonan cu a postula nan mes pa ta lider di e partido geel. Desde 1971

e mision di MEP pa sali na vanguardia di pueblo a cuminsa. Durante añanan 70 y 80 MEP a uni e pueblo Arubano cu awe gran mayoria di nos tur ta forma parti di dje. Pa 53 aña largo MEP su vision y mision ta pa Aruba cana y traha nos mesun caminda di progreso, usando tur e oportunidadnan cu tin pa asina crea e bida cu nos mes ta desea. E mision di MEP ta sigui te cu e dia di awe. Durante cinco decada


MEP a conoce 3 diferente lider, diferente candidato y diferente politico tanto den e funcion di minister of Parlamentario. MEP a crea un union bou di habitantenan di Aruba cu a kere firmemente den e autonomia di nos pais. E pueblo Arubano cu a crea su mesun caminda durante e ultimo 38 añanan di nos Status Aparte. MEP ta e vehiculo politico cu ta brinda tur ciudadano e oportunidad pa den union y comprendemento traha nos caminda, traha na nos progreso y crea e bida ideal

cu nos ta desea. Di e forma aki Aruba tin un Movimiento Electoral di Pueblo cu durante 53 aña a pone su mes na disposicion di su pueblo pa e pueblo ta esun beneficoso. "Palabra di felicitacion na lider di Movimiento Electoral di Pueblo, na su ministernan, su parlamentarionan, candidatonan y sostenedornan cu e empuhe cu nan ta duna na e partido prestigioso aki", Ricky Hoek a expresa.



Parlamentario Setty Christiaans-Yarzagaray:

# FRACCION DI MEP CU MOCION PA URGU GOBIERNO FACILITA FLUHO DI TRAFICO ENTRE RENAISSANCE MARKETPLACE Y HOTEL



, Aruba 8 di Februari 2024: Den un sesion reciente den sala di Parlamento durante tratamiento di Presupuesto di Dienst

Openbare Werken (DOW) pa aña 2024, Fraccion di MEP a entrega un mocion cu ta un iniciativa di Parlamentario Setty

Christiaans-Yarzagaray. E mocion ta subraya e problematica cu ta enfrenta na e caminda entre Parlamento y Royal Plaza riba L.G. Smith Boulevard. Segun MEP, e ruta aki ta hopi congestionada, particularmente durante momentonan cu tin crucero. Den e mocion ta haci un yamada di atencion riba e echo cu desde cu no tin bakinan di mata mas riba e ruta entre Parlamento y Renaissance hotel, e dos liña strit a keda cu ta dificulta e fluho y direccion di trafico y ta haci cu

automobilistanan ta kibra ley pa crusa caminda na cierto salidanan. Pa purba alivia e situacion aki, Fraccion di MEP ta urgi gobierno di Aruba pa pinta e liña meymey di caminda conforme articulo 8 di Landsverordening wegverkeer y articulo 9 di Landsbesluit verkeersregels. Esaki lo crea e posibilidad pa automobilistanan por bira bay ambos banda, yudando asina y evitando e fluho di trafico riba e caminda entre Parlamento y Royal Plaza. Fraccion di MEP ta subraya



e importancia di tuma accion pa facilita e fluho di trafico, particularmente riba e caminda cu ta vital pa e movimiento di local y turistanan den e area. ==



# FORTALEZA PA FAMIA

Scirbi pa Pastor Marcel Balootje.

## ALERTA, ADULTERIO, ADICCION, Y ABUSO, TA ENEMIGO GRANDI DI MATRIMONIO Y FAMIA

E asunto aki a sali for di man, e cantidad di divorcio riba nos isla ta grandi, y mas ainda famia kibra, violencia relacional y domestico, adiccion na alcohol y droga, y abuso verbal y fisico, ta for di control. Abandono di hogar a bira algo normal, tanto pa

mayornan mes, como pa yuinan cu no por soporta e bida cu nan mayornan ta hibando. Hopi mucha cu ta sera den prison no ta eyden pasobra nan a comete un delito solamente, pero nan ta eyden pa negligencia di nan mayornan, cu a prefera Adulterio, Adic-

cion y Abuso enbes di cria mucha decente y obediente..

Nos por yama e situacion aki e triple A, cual ta un situacion cu ta visibel den hopi famia.

Nos no mester lubida cu matrimonio no ta un contrato, pero un convenio entre Dios, un homber y un muher. Matrimonio a wordo institui pa Dios. Pasobra ta Dios a mira cu no ta bon pa e homber ta su so y e a dune un ayudante cual e por comparti bida, cual Adam a yama muher pasobra e ta wesu di mi wesonan y carni di mi carni a wordo saca for di Homber ( Genesis 2:23). Pesey e homber lo bandona su tata y su mama y lo uni cu su esposa y nan lo bira un carni, (Genesis 2:24).

E decadencia cu ta asotando nos aki, placa no por solucion, pasobra placa no ta bay yega, pa cubri pica, rebeldia y abominacion.

Hende a bira lomba pa Dios, pa moral, decensia y respet, y adapta nan mes na tur clase di inmoralidad cu por presenta den nan bida.

Esaki ta e consecuencia ora porta wordo habri pa pica.

Hende no tin solucion pe solamente Dios por tene misericordia, pasobra a yega tempo pa hende bolbe bek na Dios.

No lubida locual Señor a bisa;

Si mi pueblo cu a wordo yama na mi nomber, humiya nan mes y haci oracion, y busca Mi cara, y bira for di nan mal camindanan, e ora ey lo Mi tende for di cielo, y lo Mi perdona nan pica y cura nan tera.

( 2 Cronicanan 7:14)

Caminda Adulterio, Adiccion, Abuso, Abandono ta presente den un hogar, e hogar ey ta destina pa caba na nada, y ta solamente cu intervencion di Dios e por wordo rescata. Ta hopi tristo pa tende con hombernan casa. ta cobra dia 24 por ehempel, nan ta disperse y keda mas cu ocho dia for di cas, y ora nan bin cas bek, nan ta blo bashi, sin ningun cen pasobra tur e placa a bay na adiccion.

Y tambe ta conta pa hende muhe, cu tur dia ta makiya mas bonita posibel, pero tras di e makiyahe aki ta sconde un gran adiccion, pasobra fin di luna tin cuenta di droga pa paga, prome cu cumpra cuminda pa cas. E situacion ta mas alar-

mante cu nos ta pensa, y mester di un intervencion rapido, pa asina nos por logra salba un gran cantidad di famia cu ta involvi den e situacion penoso aki. Nos mester bolbe bek na arrepentimento, oracion y pidi Dios, tene misericordia di henter e isla aki, nos mester pone orguyo un banda, y dobla nos rudia dilanti di e Todopoderso. Laga cada ken cu ta involvi den Adulterio, Adiccion y Abuso, arrepenti y pidi yudansa di Dios

urgentemente, pasobra famia y yuinan ta cos di balora, no ta cos di haci wega cune.

E enemigo no ta respeta, ( Juan 10:10) pesey nos tin cu balora locual Dios a duna nos.

Sinceramente, Pastor Marcel Balootje.

### Gradicimento y Invitacion

Na nomber di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



**Sra. Isidoria M. Rasmijn-Tromp**

Cariñosamente yama "Chima"

\*15-5-1954 - †29-01-2024

Un danki na un y tur cu a manda carchi, krans, whatsapp, via facebook y a haci yamada nan telefonico.

Un danki special na dokter Singh pa su atencion medico na cas.

Alabez nos kier a invita pa 3 Santo Sacrificio di misa na Santa Filomena na Paradera.

Cual ta tuma lugar: Diahuebs 8 februari 2024 pa 7'or p.m.

Diabierna 9 februari 2024 pa 7'or p.m.

Diamars 13 februari 2024 pa 7'or p.m,

Boso presencia ta altamente aprecia.

## CEDE DI BBQ

NOS LOTA BAI TA  
HABRI DIADOMINGO Y  
DIALUNA DI CARNAVAL  
DI 11or Y MEI  
PA 3or Y MEI.

PA PEDIDO POR JAMA OF  
WHATSAPP NA  
**7497071**



NO DRENTA DEN NINGUN ORGANISACIONNAN SATANICO



No drencia y no bira miembro di nan asambleanan satanico.

No haci huramentonan na satanas. Bijbel ta bisa, Mateo 5: 33 – 37; “Mescos tambe boso a tende cu ta bisa na boso antepasadonan: Lo bo no hura falso, ma lo bo tene bo huramento den Cara di Senjor. Ma AMI ta bisa boso, pa no hura pa ningun motibo, ni pa Cielo, pasobra Cielo ta trono di Dios. No hura ni pa tera, pasobra esaki ta banki di Su pianan, ni pa Herusalem, pasobra esaki ta e ciudad di e gran Rey. Tampoco pa bo cabes, pasobra bo no por haci ningun draachi di bo cabeï preto ni blanco. Laga bo si ta si y bo no ta no. Tur loke bo pone acerca ta bini di satanas.” Esnan den organisacion, nan ta nenga cu Cristo-Hesus ta Senjor y Salbador y nan ta bay na nan mes destino riba nan mes manera. Bijbel ta bisa, Huan 14: 6 ; “Hesus ta contesta: AMI ta caminda, berdad y bida.

Ningun hende no ta yega cerca Tata, sino pa medio di Mi.” Esnan den organisacionnan, nan ta ignora e Bijbel di Dios. Bijbel ta bisa, 2Timotheo 3: 16 y 17; “Tur loke ta para scirbi den Scritura, a keda inspira pa Dios y ta util pa instrui, refuta, coregi y pa educa hende pa husticia, pa un homber di Dios sea perfecto, completamente prepara pa tur bon obra.” Esnan den organisacion, nan ta adora diferente diosnan pagano. Bijbel ta bisa den Exodo 34: 14; “No adora ningun otro dios, pasobra Senjor ta un Dios celoso y E no ta tolera ningun otro dios. P’esey no cera ningun comb-

enio cu e habitantenan di e paise y.” Den e di Prome Mandamento di Dios ta bisa: “Di stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos den mundo.” Esnan den organisacion, nan ta nenga di menciona e nomber di Hesus den nan asamblea. Bijbel ta bisa den Phillipensenan 2: 10 y 11; “Pa cu den Nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata; Hesu-Cristo ta Senjor.”

Na esnan den organisacion cu ta haci pactonan satanico y nan ta wordo marca riba curpa cu e number 666. Den Bijbel ta bisa den Apocalipsis 14: 9 – 11; “E di tres Angel a sclama na boz halto: Kende cu adora e bestia y su imagen y laga pone e marca riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan.

Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marca di su nomber.” Bijbel ta bisa den 1 Corinthionan 10: 21 y 22; “Boso no por bebe for di copa di Senjor y tambe for di copa di demonionan, boso no por participa na mesa di Senjor y tambe na mesa di demonionan. Acaso boso kier provoca Senjor? Bosonan ta mas fuerte cun’E?

Señor ta mi wardador, mi’n tin falta di nada. Den cunucu di yerba berde e ta pone mi sosega.

E ta hiba mi na awa trankil, pa mi bolbe haña forsa. (Salmo: 23)

Cu gran dolor y tristeza den nos curazon nos ta anuncia fayecimento di nos ser stima:

Emiterio Croes

Mihor conoci como “Emi”, “Papa Emi”  
\*22-04-1931 - †06-02-2024  
Ex-empleado di LAGO y Coastal



Esposo di  
Sra. Francisca “Chica” Croes-Croes  
Yuinan:  
Elda y Clyde Croes-Croes  
Estrellita Croes  
Nelson y Tina Croes-Croes  
Rustico y Mari Croes-Peñalosa  
Nieta y nieto  
Varelle y Paul Jawlik-Croes  
Kristopher y Desiree Croes-Fingal  
Marina Aguilar Croes y Bruno Guerra  
Joanne Aguilar Croes y Glenrick Croes  
Caroline Aguilar Croes y Sander Rasmijn  
Emelyn Aguilar Croes y Nick Jam  
Starlyn Aguilar Croes  
Lunella Croes y Quandee Cocks  
Marianella y Ghrizanti Tromp-Croes  
Rishnuar Croes  
Richnell Croes  
Nathalyn Croes y Joshwa Godet  
Stephany Croes y Gedeon Neiba  
Eduardo Croes  
Elias Croes

Bisanieta y bisanieta  
James, Taylor Jawlik  
Emma Croes, Kenny Croes, Jay Arends

Valentina, Maison Guerra  
Axl Croes  
Ghenniley Tromp y Davyck Franken  
Alyanne Nedd y Djamal Jansen, Brandon Nedd, Chanté Nedd, Day-sean Ignacio, Laeny Cocks  
Mayornan:  
†Fichi y †Nene Croes-Croes:  
Ruman: Janchi, †Sita, †Chito, †Jendi, †Esi, †Da, †Maidu  
Sobrina, sobрино y famia  
Judith, Magda, Jacky, Blanca, Joselyn, Lorena, Zuly, Cedric, Shirley, Jan Hendrik Jr., Gerald,  
Iraima, Danilo, Michel, Marcel, Miranda, Dora, Edselyn, Edwin, Anthony.  
Swa y cuña: Arturo Croes, Ambrosio Croes, Frida Croes, Susana Montalvo  
Tur primo y prima, iha, amistad, bisiña y demas famia. Nos disculpa si den nos tristeza, nos por a lubida un of otro famia.

Nos ta hopi agradeci pa e bon cuido di dr. S. Fingal; dr. van Hoorenbeeck; tur enfermero y enfermera di piso 4A di Dr Horacio Oduber Hospital.  
Nos ta invita tur famia y conocirnan pa compaña nos na e acto di entierro y despedida cu ta tuma lugar diasabra 10 di februari 2024 di 2:00 pm pa 4:00 pm. na Royal Funeral Home.

Despues ta sali pa Santana catolico De Vries na Sta. Cruz.

Nos ta lamenta cu despues di entierro no ta ricibi bishita di condolencia na cas.



# E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-to-gether cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e. Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol?

E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

**Intoxicacion agudo**

Intoxicacion agudo ta produci ora cu den un periodo corto di tempo, ta ingeri cantidadnan hopi grandi



di alcohol.

Na principio, e intoxicacion aki ta produci sintomanan agradabel, manera e desinhibicion cu nos a menciona anteriormente.

Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayo den e respiracion.

**Alcoholismo**

Alcoholismo ta tuma lugara ora cu un persona ta sinti un necesidad imperioso di ingeri alcohol cu ta conduci na haci'e constante-

mente.

Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan di abstinencia ora cu e no por tum'e.

Alcoholismo ta asocia na otro procesonan cu, ora combina, ta haci cu ta desaroya cierto trastornonan neurologico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.
- Ta afecta otro organonan manera e higras. Numeroso estudio ta demostra cu e degeneracion hepatico por causa daño den e sistema nervioso.
- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemoragianan den e cerebro cu tambe su funcionamiento ta bay deteriorando.

Pa tur esaki, e efectonan di alcohol den e sistema

nervioso ta wordo traduci den numeroso enfermedadnan. A continuacion nos lo splicabo di esunnan mas destaca.

**Efectonan di alcohol: e enfermedadnan neurologico**

**Demencia**

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social.

Den e casonan aki, e persona ta perde e capacidad di realiza actividadnan compleho. Tambe por provoca cambionan den su personalidad y den su estado di animo.

**Degeneracion di e cerebelo**

E cerebelo ta un parti di nos sistema nervioso cu ta encarga di e coordinacion muscular y otro movimontonan cu nos ta realiza involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificul-

tadnan pa papia, pa cana y hasta cuminsa tin temblamento.

**Polineuropatia alcoholico**  
Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cumins aperde forsa den su miembronan gradualmente. Ademas, ta sinti parestesias (sensacion di grawatashi den e cuero) y dolor den e mesun miembronan.

Na final, e ta afecta e forma di cana.

**Efectonan di alcohol: e sindrome di Wernicke-Korsakoff**

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

**Concluyendo**

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.

P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numeroso gruponan di apoyo cu ta existi awendia por yudabo.



# Lighting Parade 2024



## Sudoku

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		





# MINISTER MADURO TA FELICITA E CUERPO DI ADUANA RIBA DIA INTERNACIONAL DI ADUANA



Riba dia 26 di Januari cu ta Dia Internacional di Aduana Minister Maduro tabata presente na e cena cu a wordo organisa pa e ocasion festivo aki. Minister Maduro a hiba un discurso pa felicita y gradici e Cuerpo di Aduana pa e trabounan cu ta wordo haci na bienestar di Aruba. Den su discurso e mandatario a indica cu e aña aki e team di maneho di Aduana ta haya sosten tecnico pa asina por ehecuta algun cambio importante pa e funcionamiento di Aduana. A menciona tambe e edificio nobo di Aduana cu

awor cu a caba cu e parti legal, lo por sigui cu e trabounan necesario y ta spera cu por pone e prome bloki e aña aki ainda. E introduccion di e ley di ALDA cu ta e ley nobo pa Aduana tambe ta riba agenda como un prioridad pa asina Aduana por ta huridicamente miho ekipa pa haci nan trabou. Minister Maduro a indica cu e asistencia tecnico lo no ta solamente dirigi pa fortifica e organizacion, pero tambe lo concentra riba e desaroyo personal

di e Aduanero. Minister Maduro a gradici Aduana tambe pa locual ta e introduccion di BBO na frontera cu a wordo ehecuta na un manera eficiente y exitoso danki na e esfuerso conhunto di Aduana y DIMP. E mandatario a gradici tambe sr. Maduro di SADA pa nan input pa mehoracion di e Cuerpo di Aduana. Minister Maduro a finalisa su discurso gradiciendo full e Departamento di Aduana pa e trabou cu nan ta haci na bienestar di Pais Aruba



## PRONOSTICO DI TEMPO

TEMPO VALIDO TE DIABIERN 09 DI FEBRUARI 2024, 18:00 ORA

### AVISO/ ALERTA:

DURANTE PROXIMO DIA OF DOS E DIRECCION DI OLANAN LO TA FOR DI NOORDWEST Y ESAKI POR HASI LAMA POCO BRUTO NA COSTANAN SITUANA PARTI ZUID. TA PIDI LANDADONAN Y USUARIONAN DI LAMA EN GENERAL PA TENE CUENTA CU ESAKI.

POTENCIAL DI AWACERO PA PROXIMO 24 ORA:

1 TE 5 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN: PARCIALMENTE NUBLA CU UN POSIBLE AWACERO PASAJERO.

BIENTO LO TA FOR DI DIRECCION NOORDOOST TE OOST Y MODERA TE BASTA FUERTE DEN RAFAGA. TEMPERATURA (GRADO CELSIUS)

MAX / MIN LO TA: 31 / 26

**BO SANGER TA SALBA BIDA!**

STICHTING BLOEDBANK ARUBA

587 0002

StichtingBloedbankAruba

Registra pa bira donante na [www.bloedbankaruba.aw](http://www.bloedbankaruba.aw)

**Clasificados**

CLASSIFIEDS

SOLODIPUEBLO@GMAIL.COM

CEL. 585 9500

SOLO Di Pueblo



# Aruba Bank y Qredits Aruba ta premira un otro exitoso “Be Your Own Boss” durante 2024



Oranjestad – 08 di februari 2024 - Durante e luna di januari, representantenan di Qredits y Aruba Bank

a forma parti di varios presentacion di ideanan nobo y innovativo cu futuro entrepeneurnan di EduCampus, Colegio Nigel Matthew y De Schakel College a presenta.

Despues di a ricibi diferente materia brinda pa Qredits y Aruba Bank, studiantenan ta demonstra di ta bon

prepara pa e evento final. Ta hopi di admira pa mira con creatividad y teamwork ta sobresali y e entusiasmo entre e studiantenan ora nan ricibi feedback di representantenan di Aruba Bank y Qredits.

E studiantenan nan ta cla pa presenta nan idea durante e final “Pitch Event”. Danki na tur estudiante di EduCampus, Colegio Nigel Matthew y De Schakel College cu a forma parti di e

presentacionnan, y tur docente cu ta forma parti tambe di e proyecto di “BOYB” di Qredits Aruba. Hopi exito cu e ultimo preparacionnan



**Gabinete Wever - Croes II**

Prome Minister Evelyn Wever-Croes,  
den nomber di Gobierno di Aruba,  
ta extende palabranan di profundo condolencia na famia,  
amigonan y empleadonan di De Palm Tours cu fayecimento di



**SR. HAROLD D. MALMBERG**


**MASHA DANKI PA BO CONTRIBUCION GRANDI  
NA ECONOMIA DI NOS PAIS**

Acto di entierro y despedida lo tuma luga na Royal Funeral Home,  
diabierna 9 di februari 2024 di 9:00 am pa 11:30 am,  
sigui pa e ceremonia di despedida 11:30 am pa 12:15 pm.  
Acto di cremacion lo tuma luga den seno di famia.

**Cu Harold sosega na paz.**



Cu gran dolor y tristeza den nos curason, mas alabez cu inmenso gratitud pa su bida y legacia, nos ta anuncia fayecimento di



**Sr. Harold D. Malmberg**

Esposo di sra Maud Malmberg-Brown, Tata di Ricardo, Lisette y Giovanni, abuelo di Thalia, Ricardo Jr., Samantha, Thiago, Joey y Jamiro y bisabuelo di Jayden y Mia.

Rumanan Hans, Liesje, Milly, Hellen, Lillian y Clyde, tur sobrino, sobrina, famia, amistadnan y Junta Directiva, Gerencia y Staff di De Palm Corporation VBA y tur empresa subsidiario.

Un gran pionero y visionario di nos industria turistico, cu a contribui inmensamente na nos pais a bay sosega na paz.

Juan 14:1-2: 1“No preocupa of rindi na miedo, pasobra bo a kere den Dios, awo confia y kere den Ami tambe.

2 E Cas di mi Tata tin hopi morada, y ami ta bay pa prepara un lugar pa boso.”

Oportunidad pa condolencia, diahuebs 8 di februari 2024 di 6:00 pm pa 8:30 pm na Royal Funeral Home Acto di entierro y despedida lo tuma lugar na Royal Funeral Home, diabierna 9 di februari 2024 di 9:00 am pa 11:30 am, sigi pa e ceremonia di despedida 11:30 am pa 12:15 pm.

Acto di cremacion lo tuma lugar den seno di famia.

En bez di flor of krans, famia lo prefera un donacion den Harold Malmberg su number na Centro di Barrio Dakota.

Informacion di Cuenta Bancario:

- Number di beneficiario: Buurt- en Sportvereniging Dakota
- Banco: Banco di Caribe
- Number di Cuenta: 80880301

ORACION DI DIA



**Un feliz dia yena di bendicion, gracia, amor y paz di Señor.**

”lo Mi haci loke bo a pidi. Lo Mi duna bo sabiduria y poder pa bo por husga entre bon y malo; di tal manera cu nunca ningun hende tabata por prome cu bo, ni ningun hende lo no por despues di bo”(1 Reynan 3, 12)

Rumannan, Señor nos Dios ta duna nos loke nos pidi, si ta Su boluntad.

P’esey ta hopi importante pa nos resa y pidi cu fe. Pidi sabiduria mescos cu Salomon. Salomon no a pidi rikesa pero pa e por distingui e bon for di e malo. Nos hopi biaha ta pidi pero nos mester siña pidi.

Nos mester confia cu Dios ta duna nos na e momento husto. Señor ta wak hopi mas leu, p’esey no ta tur ora nos ta haya loke nos kier, pero mas bien nos ta haya loke ta necesario.

Rumannan ban confia den e plan di Dios.

Algo ta pasa of un hende ta bay of nos no ta haya loke nos kier, paso Dios tin algo miho pa nos. Djis confia y yama Dios danki.

Oracion: Señor yena mi cu forsa y fe. Laga mi sinti Bo amor y presencia. Pa ora mi tin cu pidi y tuma decisionnan importante mi haci Bo boluntad.

Laga mi scucha Bo bos na e momentonan ey. Paso Abo sa kico ta e miho decision. Abo semper t’ey pa mi y kier e miho pa mi bida.

Amen.



Obituario



Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na 585-9500 of na 741-4554